

„Олна хот-хоолд оньган“

Мана газетин 31-ч номерт барлгдсн „Олна хот-хоолд оньган“ гидг селкорин заметкд: Приозерн района хот-уудг гермүдт нег зүсн, махн уга хот кегднә, хот уудг герт махн, боднцг, хальмг цә, кофе, какао, компот уга, хотд амт орулдг ногъан-темсн чигн уга. Райпотребсоюзин складт олн зүсн крупа дала бәәнә, зуг хот уудг герт тер тоот уга гидж бичгдлә.

Тер барлгдсн заметкиг шүүдж хәләтн гидж Приозерн рай-исполкомин ахлач үр Олюнинд мана редакц даалгъла. Мана даалгъврар, июнин 22-т рай-исполкомин хургт тәвдж күүндвр кегәд, „Олна хот-хоолд оньган“ гисн заметкд келгдсн дуту-дундсиг үнн болв гидж шиидв.

Деер келгдсн дуту-дундсиг тави өдрин эргид уга кедж, олна хот-хоолиг ясрулхин тускар, хот-хол таслвр угагъар, олн зүсн хот-хол бәәдгәр бүрдәхин төләд, цуг эв-аргъан олзлтха гидж Чкаловск совхозин рабкоопин ахлач үр Скрыпниковд даалгъгдв.

Районн центр деер бәәдг цә уудг гериг медрлтә, дамшлтта көдләчнрәр диглтхә гидж цә уудг герин толгъач үр Нохашкиевд болн үр Скрыпниковд закдж даалгъгдв.

Олна хот-хол ясрулхин туск кергиг туслнъ үр Скрыпниковд даалгъдж, цаг зуур ясвриг эстетгсн хөөн чанъгъ шоодврла харгъулх болдж шиидв, -- гидж Приозерн района кӯцәгч комитетин ахлачин дарук үр Чудотора редакцд сонъсхв.